

## BESTELAKO XEDAPENAK

### MUGIKORTASUN JASANGARRIAREN SAILA

## 4680

*EBAZPENA, 2025eko urriaren 8koa, Garraio Azpiegituren zuzendariarena, zeinaren bidez jendaurrean jartzen baita «Amorebieta-Bermeo lineako Sukarrieta-Mundaka tartean trenbidea berritzeko eraikuntza-proiektuak» ukitutako ondasun eta eskubideen zerrenda.*

2025eko martxoaren 11ko Ebazpenaren bidez, «Amorebieta-Bermeo lineako Sukarrieta-Mundaka tartean trenbidea berritzeko eraikuntza-proiektua» onetsi zen. Ebazpena 2025eko martxoaren 31n argitaratu zen Euskal Herriko Agintaritzaren Aldizkarian (62. zk.).

Eraikuntza-proiektuaren xedea da Amorebieta-Bermeo lineako Sukarrieta-Mundaka tartean, 24+100 KPtik 26+125 KPra, gainegitura berritzeko eraikuntza-obrak zehazteko behar den dokumentazioa aurkeztea.

Bideak mantentzeko aldizka egiten diren bateo-lanek bidea altxatzea eragiten dute. Bateoak egin eta gero, mentsulak konpentsatu egin behar dira altuerak zuzentzeko. Tuneletan, berriz, hari eroalea gangan lotuta dagoenez, puntu finko bat sortzen da, eta errailaren eta katenariaren arteko distantzia murriztu egiten da, baina konpentsatzeko aukerarik ez dago.

Bermeoko adarrean, 1.200 metroko tarte bat tuneletatik pasatzen da, eta jarduketa horren ondorioz, pasabidearen altuera murriztu egin da. Bestalde, tunel horietako drainatzea hondatuta dago, horregatik ura pilatu eta bideko plataforma kutsatu egiten da. Beraz, tarte horretan jardutea gero eta beharrezkoagoa da.

Tarte horretako egitura osatzen dute blokebakarreko hormigoizko langarek, eta Vossloh finkapen elastikoa duten langare haien gainean UIC-45 errailarekin soldatutako barra luzeek. Joan den mendeko 50eko hamarkadan eraiki zuten. Eta azkenekoz berritu zen 1991n, gutxi gorabehera. Erraila higatua dago irristaldien eraginez.

Akats horiek konpontzeko, beharrezkoa da trenbideko egitura, drainatzea eta trenbide-plataforma berritzea, bai eta plataforma hori beharrezko galiboetara (katenaria-erraila) egokitzea ere, proiektuaren zuzendaritzaren diseinu-irizpideei jarraituz.

Eraikuntza-proiektuaren xedea da Amorebieta-Bermeo lineako Sukarrieta-Mundaka tartean, 24+100 KPtik 26+125 KPra, gainegitura berritzeko eraikuntza-obrak zehazteko behar den dokumentazioa aurkeztea.

Beraz, proiektuaren arabera, honako hauek dira lanak: trazadura gauzatu eta hobetzea, trazaduraren definizio geometrikoa ematea, sestra hobetzea trenbideko plataformaren egoera egiaztatu ondoren. Horrez gain, drainatzeak hobetu, trenbidea hustu, errailak eta euskarriak aldatu eta katenaria egiaztatu behar da.

Sukarrietako tartean, Amorebieta-Bermeo lineako 24+900 KPtik 26+125 KPra, kontaktu-hariaren altuera erroadura-planotik 4300 mm-ra ezarriko da; beraz, sestra jaisteaz gain, erregularizatu egingo da, eta tarte balasto gaineko trenbidearekin utziko da, blokebakarreko langa erabilita.

Lursailak lortzeko eta ukitutako ondasun eta eskubideak kudeatzeko, proiektuak ondasun eta eskubide horien identifikazio zehatza biltzen du. Horretarako, desjabetzeen eranskinean ageri dira lurzatien zerrenda eta planoak.

Organo honek izapidetu behar ditu garraio-azpiegituren arloko jarduerak gauzatzeko beharrezkoak diren desjabetze-espeditenteak, Eusko Jaurlaritzako Mugikortasun Jasangarriaren Sailaren egitura organikoa eta funtzionala ezartzen duen azaroaren 19ko 382/2024 Dekretuaren 11.2.c) artikulua xedatzen duenaren arabera.

Abenduaren 19ko 26/2022 Legeak aldatutako Trenbide Sektoreari buruzko irailaren 29ko 38/2015 Legearen 6.2 artikulua xedatutakoaren arabera, beste lursail batzuk erabili beharra dakarten trenbide-lineen proiektuak, horien tartekak edo tren azpiegituren beste elementu batzuk eraikitzeko proiektuak edo lehendik zeuden azpiegiturak aldatzeko proiektuak onartzen direnean, onespenez berekin ekarriko du onura publikoaren edo gizarte-interesaren deklarazioa, lursail horiek okupatu beharra izatea eta okupazio hori premiazko zatik deklarazioa, ukitutako eta identifikatutako ondasun eta eskubideen nahitaezko desjabetzearen ondorioetarako.

Nolanahi ere, ukitutako ondasunak eta eskubideak okupatu beharra proiektuaren onespenez inplizituko berekin dakarren arren, Nahitaezko Desjabetzeari buruzko 1954ko abenduaren 16ko Legearen 17.2, 18. eta 19.2 artikuluek ondasun eta eskubide horien xehetasunak jasoko dituen zerrenda egin eta jendurrean jarri behar dela ezartzen dute, nahi duenak alegazioak eta datuak aurkeztu ahal izan dituzan, okerrak zuzentzeko eta interesdunak zein diren ondo zehazteko.

Hortaz, aipatutako xedapenak, horiekin bat datozenak eta aplikatu beharreko gainerakoak ikusirik, honako hau

#### EBAZTEN DUT:

Jendurrean jartzea «Amorebieta-Bermeo lineako Sukarrieta-Mundaka tartean trenbidea berri-tzeko eraikuntza-proiektua»k ukitutako ondasun eta eskubideen zerrenda, ebazpen hau azken aldiz argitaratu eta hurrengo hamabost (15) egun balioduneko epean alegazioak aurkeztu ahal izan daitezkeen, okerrak baldin badago zuzentzeko, hala ezartzen baitute Nahitaezko Desjabetzeari buruzko 1954ko abenduaren 16ko Legearen 19.2 artikulua eta horrekin bat datozenek. Mugikortasun Jasangarriaren Saileko Garraio Azpiegituren Zuzendaritzara bidali beharko dira alegazioak (Donostia kalea 1, Lakua 1, 01010 – Vitoria-Gasteiz).

Aipatutako epean, ondasun eta eskubideen zerrenda Sukarrieta, Mundaka, Busturia eta Bermeo udaletxeetako iragarki-oholean ere erakutsiko da jendurrean.

Vitoria-Gasteiz, 2025eko urriaren 8a.

Garraio Azpiegituren zuzendaria,  
MARÍA DOLORES DE JUAN DE MIGUEL.

2025eko azaroaren 4a, asteartea

## ERANSKINA

## BUSTURIAKO UDALERRIA

Finka zk.	Katastroko erref.	Jabea	Eragin mota (m <sup>2</sup> )			Izaera
			Erabateko jabaria	Zortasun iraunkorra	Aldi-baterako okupazioa	
001	06 011	Euskal Trenbide Sarea	0	0	1490	Esponda
002	06 204	Euskal Trenbide Sarea	0	0	28	Trenbideak

## SUKARRIETAKO UDALERRIA

Finka zk.	Katastroko erref.	Jabea	Eragin mota (m <sup>2</sup> )			Izaera
			Erabateko jabaria	Zortasun iraunkorra	Aldi-baterako okupazioa	
003	01 427	Euskal Trenbide Sarea	0	0	684	Trenbideak

## MUNDAKAKO UDALERRIA

Finka zk.	Katastroko erref.	Jabea	Eragin mota (m <sup>2</sup> )			Izaera
			Erabateko jabaria	Zortasun iraunkorra	Aldi-baterako okupazioa	
004	1003 12001	Euskal Trenbide Sarea	0	0	514	Mundakako geltokia
005	1003 02001	Euskal Trenbide Sarea	0	0	481	Bidea eta aparkalekua

## BERMEOKO UDALERRIA

Finka zk.	Katastroko erref.	Jabea	Eragin mota (m <sup>2</sup> )			Izaera
			Erabateko jabaria	Zortasun iraunkorra	Aldi-baterako okupazioa	
006	1034 01001	Euskal Trenbide Sarea	0	0	1169	Hormigoiztatutako lurra